

Band XI., Nr. 5250, Seite 225-226

*Eberhard der Alte von Lupfen Graf zu Stühlingen verzichtet auf sein Recht
an den Hof des Klosters Rottenmünster zu Dautmergen.*

Rottenmünster, 1299. April 3.

Allen den die disen brief gesehent oder gehörent, tûn wir her Eberhart der alte von Luphen grave ze Stühlingen kunt, daz wir den erbæren vrowen . . der abtissinne unde der samenunge von Rotenmünster grawes ordens umbe den sunderlichen gunst, den wir ze in umbe ir tugentlich leben haben, maier Cûnen hof ze Tutmeringen, den in her Hainrich sælige unser vatter gab unde wir in ie sit besascent unde entsascent, daz selbe reht ze besetzzenne und ze entsetzzenne uf geben haben ledig unde lære luterlich ainvalteclich unde ane alle geværde, also daz siu unde alle ir nachkomen den selben hof hinnen für iemer mere besetzzen unde entsetzzen sülnt unde der mit tûn unde schaffen sülnt swaz siu wænent daz in wol kome unde nützze si unde daz wir noch denhain unser erbe hinnenhin denhain reht der zû haben sülnt sus noch so, unde verzihen uns der umbe alles rehtes unde schirmes gaistliches unde weltliches gerihtes. Sunderlingen aber so haben wir gedinget, daz Burcart unde Hainrich die Maier von Tutmeringen, die nu den selben hof buwent und in von den vor genanten vrowen ze rehtem lehen enphangen hant, der uffesitzzen sulnt untz an iren tot alle die wile siu jærgeliches iren zins verrihtent, swenne siu aber ersterbent oder wære daz ain zins den anderen erluffe oder daz siu den selben hof hinnen ze sante Walpurg dag deme næhesten der nu kumet niht bezimmeretin als er durch rehte sol bezimbert sin, so sol in dirre hof ledig sin danne und lære unde sülnt in besetzzen mit sweme siu went unde sol enhain ir erbe dehain rehte me der zû haben. Unde daz diz war si unde stæte belibe, der umbe han wir unser ingesigel an disen brief gehenket ze aime urkûnde.

 Der wart gegeben ze Rotenmunster von der samenunge an deme vritdage nach mittervasten, in deme jar do man von gottes geburtte zalte zwel hundred jar unde nûne unde nûnzig jar.

—

Der Textabdruck folgt dem Original.
 Siegel s. WUB, Bd. IX, S. 369.

Überlieferung und Publikationen

Lagerort:

HStA Stuttgart

Signatur/Titel des Originals:

B 494 U 99

Weitere Angaben

Sprache:

Deutsch

Ausstellungsort:

Rottenmünster

Aussteller:

Eberhard; von Lupfen, der Alte, Graf von Stühlingen

Ortsindex:

Dautmergen Wohnplatz (16341)
 Dautmergen, BL
 Lupfen
Wüstung (23423)
 Lupfen, Talheim, TUT, W
 Rottenmünster
Wohnplatz (12415)
 Rottenmünster, Rottweil, RW
 Stühlingen
Wohnplatz (15638)
 Stühlingen, WT